



Mónica González Pavón, vicesecretària-interventora deth Conselh Generau d'Aran,

CERTIFIQUI:

Que segontes Decret de Sindicatura num. 0448/2026, de 19 d'agost, s'a adoptat era següenta resolucion, era còpia literau dera quau ditz:

"Francesc Bruna Capel, sindic accidentau deth Conselh Generau d'Aran, en tot hèr usatge des facultats que me conferissen es articles 29 e 30.2 dera Lei 1/2015, de 5 de hereuèr, deth Regim Especiau d'Aran.

Vista era memòria justificativa deth servici deth Mgfc. Conselhèr de Gestion Ambientau, Transicion Energetica e Innovacion, Sr. Oriol Sala Sánchez, ena quau se da compde deth besonh de realizar eth contracte deth servici de "*Custòdia e vigilància deth ramat comunal de Vilamòs*", pes motius qu'ena madeisha s'i descriuen.

Vist eth Decret de Sindicatura num. 0432/2026 de 12 d'agost en que se demane informe per part dera Secretaria Generau e dera Intervencion de Hons.

Vist er informe favorable, damb observacions, de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er òrgan competent entà contractar.

Visti eth Plec de clausules administratives particulars redactat e eth Plec de Prescripcions Tecniques deth servici de "*Custòdia e vigilància deth ramat comunal de Vilamòs*".

Cossent damb eth certificat favorable d'existència de crèdit adequat e sufisent dera Intervencion de Hons, eth finançament des òbres a contractar ei previst ena aplicacion pressupostària num. 2026/01.433.227.99 deth pressupòst generau vigent entar exercici 2025.

Cossent damb çò que dispausen es articles 17, 25, 28, 116, 117, 118.1, 122, 159 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govern aprovar eth Plec de clausules administratives particulars, er expedient de contractacion atau coma era licitacion simultanèa des òbres nomentades, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

È RESOLVUT:





PRUMÈR.- Avocar era competència entara adjudicacion deth contracte deth servici de “Custòdia e vigilància deth ramat comunal de Vilamòs”, per rason d’urgència, cossent damb çò que dispause eth Decret de Sindicatura num. 326/2023, de 22 de junh [publicat en DOGC num. 8980 de 16 d’agost de 2023 e BOP Lleida num. 159 de 16 d’agost de 2023].

DUSAU.- Aprovar iniciaument eth Plec de clausules administratives particulars e eth Plec de Prescripcions Tecnicas qu’a de regir era contractacion deth servici de *Custòdia e vigilància deth ramat comunal de Vilamòs*, plecs que s’adjunhen coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau de cent ueit mil nau cents cinquanta dus euros damb vint-e-sèt cèntims (108.952,27 €), damb eth desglossament següent:

- Nauanta mil quaranta tres euros damb vint centims (90.043,20 €) en concèpte de pressupòst net e,
- Dètz-e-ueit mil nau cents nau euros damb sèt centims (18.909,07 €), en concèpte d’IVA ath 21%

Eth valor estimat deth contracte ei de 131.601,60 €, quantitat que resulte de:

- Eth prètz corresponent ath valor deth servici entàs 26 mesi de durada deth contracte
- Un (1) possible an de prorròga (12 mesi).

TRESAU.- Aprovar er expedient entara contractacion deth servici de “Custòdia e vigilància deth ramat comunal de Vilamòs”, mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

QUATAU.- Dispausar era dubertura deth procediment dubèrt simplificat de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de quinze (15) dies naturaus entara presentacion d’aufèrtes, cossent damb çò que dispause er article 159.3 LCSP.

CINCAU.- Dar compde d’aguest Decret en prumèr Conselh de Govèrn deth Conselh Generau d’Aran que s’amie a tèrme.”

E, entà qu’atau cònte ar efècte oportun, signi aguest certificat d’orde e damb eth visteplatz deth Sindic accidentau.

Vielha, *signat electronicament*

Vist e platz
Eth Sindic accidentau

Francisco Bruna Capel